

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԵՐԵՎԱՆ ՔԱՂԱՔԻ ԱՎԱԳԱՆՈՒ

«___» ապրիլի 2012թ.

N_____ -Ա

ՈՐՈՇՈՒՄ

ԵՐԵՎԱՆ ՔԱՂԱՔԻ ՍԵՓԱԿԱՆՈՒԹՅՈՒՆ ՀԱՄԱՐՎՈՂ ԲՆԱԿԱՐԱՆՆ ԱՆՀԱՏՈՒՅՑ ՕՏԱՐԵԼՈՒ ՄԱՍԻՆ

Ղեկավարվելով Հայաստանի Հանրապետության քաղաքացիական օրենսգրքի 34-րդ գլխի կանոններով, Երևան քաղաքի ավագանու 2011 թվականի դեկտեմբերի 9-ի «Երևան քաղաքի սեփականություն համարվող գույքն օգտագործման տրամադրելու և օտարման 2012 թվականի ծրագրի վերաբերյալ» հ.345-Ն որոշմամբ հաստատված ծրագրի 3-րդ կետով՝

Երևան քաղաքի ավագանին որոշում է.

Թույլատրել Երևանի քաղաքապետին Երևան համայնքի սեփականությունը համարվող Երևանի Կ. Ուլնեցու փողոցի 1-ին փակուղիի հ.5 շենքի հ.27ա բնակարանը (անշարժ գույքի սեփականության (օգտագործման) իրավունքի գրանցման 11.07.2011թ.հ. 2787431 վկայական) սեփականության իրավունքով անհատույց օտարել (նվիրել) Սարգիս Հակոբյանին:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

ՏԵՂԵԿԱՆՔ-ՀԻՄՆԱՎՈՐՈՒՄ

«ԵՐԵՎԱՆ ՔԱՂԱՔԻ ՄԵՓԱԿԱՆՈՒԹՅՈՒՆԸ ՀԱՄԱՐՎՈՂ ԲՆԱԿԱՐԱՆՆ ԱՆՀԱՏՈՒՅՑ ՕՏԱՐԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ՎԵՐԱԲԵՐՑԱԼ

Սարգիս Հակոբյանը դիմել է Երևան քաղաքի Քանաքեռ-Զեյթուն վարչական շրջան, Կ.Ուլնեցու փողոցի 1-ին փակուղիի հ.5 շենքի հ.27ա՝ 48.2 մակերեսով բնակարանը մասնավորեցնելու խնդրանքով:

1975 թվականից մինչ օրս Սարգիս Հակոբյանի ընտանիքն ինն անձով բնակվում է Կ.Ուլնեցու փողոցի 1-ին փակուղիի հ.5 շենքի հ.38՝ 64.3 ընդհանուր մակերեսով բնակարանում, իսկ նշված բնակարանը համատեղ սեփականության իրավունքով պատկանում է 8 անձի (հիմք՝ անշարժ գույքի սեփականության (օգտագործման) իրավունքի գրանցման 13.03.2003թ. հ.1004273 վկայական):

ՀՀ կառավարությանն առընթեր անշարժ գույքի կադաստրի պետական կոմիտեի տեղեկատվական կենտրոնի տվյալների համաձայն, Սարգիս Հակոբյանի անվամբ Երևան, Կ.Ուլնեցու 1 փողոցի հ.5 շենքի հ.38 բնակարանի նկատմամբ գրանցված է սեփականության իրավունք:

1989 թվականին Երևանի «ԵրԱԶ» ավտոմոբիլային գործարանի տնօրինությունը դիմել է Երևանի նախկին Խորհրդային շրջգործկոմ՝ որպես բազմանդամ ընտանիքի Սարգիս Հակոբյանին Կ.Ուլնեցու փողոցի 1-ին փակուղիի հ.5 հասցեում մեկ սենյականոց բնակարան հատկացնելու միջնորդությամբ, սակայն ԽՍՀՄ-ի փլուզումից հետո հարցը մնացել է չլուծված:

Սարգիս Հակոբյանը փաստացի բնակվում է Կ.Ուլնեցու փողոցի 1-ին փակուղիի հ.5 շենքի հ.27ա մեկ սենյականոց բնակարանում (հիմք՝ բնակչության պետական ռեգիստրում հաշվառման մասին 30.05.2011թ. հ.176855 տեղեկանք):

Նախկինում նշված բնակարանն ընդգրկված է եղել ոչ բնակելի ֆոնդում և քաղաքացին հնարավորություն չի ունեցել հաշվառվելու Կ.Ուլնեցու փողոցի 1-ին փակուղիի հ.5 շենքի հ.27ա հասցեում: Ներկայումս այն հաշվառվել է բնակելի ֆոնդում և դրա նկատմամբ կատարվել է Երևան համայնքի սեփականության իրավունքի պետական գրանցում:

Նկատի ունենալով, որ քաղաքացին փաստացի առանց հաշվառման է բնակում նշված հասցեում, ինչպես նաև առկա չէ նշված բնակարանի հատկացման վերաբերյալ համապատասխան փաստաթուղթ (օրդեր, դատարանի վճիռ և այլն), իսկ Երևան քաղաքի ավագանու 2011 թվականի դեկտեմբերի 9-ի N345-Ն որոշմամբ հաստատված ծրագրի համաձայն Երևանի քաղաքապետի որոշմամբ կարող են սեփականության իրավունքով անհատույց օտարվել համայնքային սեփականություն հանդիսացող բնակարանները կամ բնակելի տներն այն անձանց, ովքեր փաստացի բնակվում և հաշվառված են տվյալ բնակարաններում կամ բնակելի տներում, Կ. Ուլնեցու փողոցի 1-ին փակուղիի հ.5 շենքի հ.27ա հասցեում գտնվող բնակարանը սեփականության իրավունքով Սարգիս Հակոբյանին անհատույց օտարելու համար անհրաժեշտություն է առաջացել կայացնելու Երևան քաղաքի ավագանու համապատասխան որոշում:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

ՏԵՂԵԿԱՆՔ

**«ԵՐԵՎԱՆ ՔԱՂԱՔԻ ՍԵՓԱԿԱՆՈՒԹՅՈՒՆԸ ՀԱՄԱՐՎՈՂ ԲՆԱԿԱՐԱՆՆ ԱՆՀԱՏՈՒՅՑ
ՕՏԱՐԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ
ԸՆԴՈՒՆՄԱՆ ԱՌՆՉՈՒԹՅԱՄԲ ԱՅԼ ՈՐՈՇՈՒՄՆԵՐԻ ԸՆԴՈՒՆՄԱՆ
ԱՆՀՐԱԺԵՇՏՈՒԹՅԱՆ ԿԱՄ ԲԱՑԱԿԱՅՈՒԹՅԱՆ ՄԱՍԻՆ**

Երևան քաղաքի ավագանու «Երևան համայնքի սեփականություն համարվող բնակարանն անհատույց օտարելու մասին» որոշման նախագծի ընդունման առնչությամբ այլ իրավական ակտերում փոփոխություն կատարելու անհրաժեշտություն չկա:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

ՏԵՂԵԿԱՆՔ

**«ԵՐԵՎԱՆ ՔԱՂԱՔԻ ՍԵՓԱԿԱՆՈՒԹՅՈՒՆԸ ՀԱՄԱՐՎՈՂ ԲՆԱԿԱՐԱՆՆ ԱՆՀԱՏՈՒՅՑ
ՕՏԱՐԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ
ԸՆԴՈՒՆՄԱՆ ԿԱՊԱԿՑՈՒԹՅԱՄԲ ԵՐԵՎԱՆԻ ԲՅՈՒՋԵԻ ԵԿԱՄՈՒՏՆԵՐՈՒՄ ԵՎ
ԾԱԽՍԵՐՈՒՄ ՍՊԱՍՎԵԼԻՔ ՓՈՓՈԽՈՒԹՅՈՒՆՆԵՐԻ ՄԱՍԻՆ**

Երևան քաղաքի ավագանու «Երևան համայնքի սեփականություն համարվող բնակարանն անհատույց օտարելու մասին» որոշման նախագծի ընդունման կապակցությամբ Երևանի բյուջեում չի նախատեսվում եկամուտների և ծախսերի փոփոխություն:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ